

*permittimus, ut, quatenus periti ad inspiciendum vulnus acciti, gravæ vitæ periculum adesse retulerint, percussor ipse, prævio semper Decreto Episcopi, & cum assistentiâ personæ Ecclesiasticæ ab eodem Episcopo deputatæ, ab hujusmodi loco immuni extractus, sine morâ carceribus mancipetur; eâ tamen Lege Judicibus indictâ, ut illum Ecclesiæ restituere debeant, si vulneratus superstes vivat ultra tempus à legibus, quæ de homicidio sunt, constitutum; alioquin in easdem pœnas incidant, quæ in memoratis Benedicti XIII. Litteris constitutæ sunt adversus illos qui delinquentem in aliquo ex casibus ibidem expressis, ex indiciis ad id sufficientibus sibi traditum, restituere recusent, postquam is in suis defensionibus hujusmodi indicia diluerit.*

*Præterea, simili motu & auctoritate decernimus ac declaramus, Sepultura sacra privationem à Sacrosanctâ Tridentinâ Synodo inflictam morientibus in loco Duelli & conflictûs, incurrendam perpetuò fore, etiam ante sententiam Judicis, à decedente quoque extra locum conflictûs ex vulnerare ibidem accepto, sive Duellum publicè, sive privatim indictum fuerit, ac etiam vulneratus ante mortem non incerta pœnitentiæ signa dederit, atque à peccatis & censuris absolutionem obtinuerit; sublatâ Episcopis, & Ordinariis Locorum super hac pœnâ interpretandi ac dispensandi facultate, quò cæteris documentum præbeatur fugiendi sceleris ac debitam Ecclesiæ Legibus obedientiam præstandi.*

*In hujus demum sollicitudinis Nostra societatem vocantes carissimos in Christo Filios Nostros, Imperatorem electum, cunctosque Catholicos Reges, nec non Principes, Magistratus, Militia Duces, atque Præfectos, eos omnes & singulos, pro suâ in Deum religione, ac pietate, enixè obtestamur*